

TSOHLLE DI MALALA-A-LAOTSWE BAKENG SA LEVI YA DINO TSE TSWEKERE

Pretoria, 28 Tlhakubele 2018 — Ditshebeletso tsa Lekgetho tsa Afrika Borwa (SARS) di malala-a-laotswe ho phethahatsa Levi ya Dino tse Tswekere (SBL) ha e qala ho sebetsa ka la 1 Mmesa 2018.

Bahlahisi ba hlahisang dino tse tswekere tse nang le paloyohle ya tswekere ka selemo ka seng e fetang 500 kg ba tla lokela ho fumana laesense ho SARS le ho lefa levi ena ho SARS. Bahlahisi ba hlahisang paloyohle ya tswekere ka selemo ka seng e sa feteng 500 kg ha ba hloke ho lefa levi ena empa le ha ho le jwalo ba hloka ho ingodisa le SARS.

SARS e netefaditse hore ho ba le mekgwatshebetso e hlokehang hore ho tle ho sebetsanwe le tshebetso, laesense le ngodiso ya bahlahisi ba dino tse tswekere ka mokgwa o phethahetseng.

Levi e tla ba ditjeo tsa disente tse 2.1 gramo ka nngwe ya tswekere e fetang digramo tse 4 tsa 100ml ka nngwe. Sena se bolela ho digramo tsa pele tse 4 tsa 100ml ka nngwe ha di lefiswe levi. Dino tse tswekere tse hlahisitsweng pele ho la 1 Mmesa 2018 ha di no lefiswa levi.

Ho latela tlwaelo ya SARS ya ho ruta balefalekgetho le ho ba nolofaletsa ho ikobela boitlamo ba bona ba lekgetho, SARS e se e buisane le ba romellang dithoto ka hara naha, bahlahisi le bakgathatema ba bang ba indasteri ka tsela ya letoto la dipontsho tsa tseleng tse bileng teng diprovenseng tse hlano maqalong a Tlhakubele.

Ho fumana lesedi le fetang lena etela [leqephe la websaete le mabapi Levi ya Dino tse Tswekere](#).